

Naalakkersuisut UPA 2013-imi Kalaallit Nunaanni suliffeqartut akornanni inuit qanoq amerlatigisut nunat avannarliit avataaneersuunerat pillugu kiisalu suliffeqarfinni sorlarni taakku nalinginnaasumik sulisuunerat pillugu nalunaarummik saqqummiusseqqullugit Inatsisartuni aalajangiiffigisassatut siunnersuut. Nalunaarummissaaq inunnut taakkununga sulinermi atorfeqartitaanermilu pissutsit suut Kalaallit Nunaanni suliffeqarnermi neqeroorutigineqartarnersut kiisalu pissutsit taakku pisut ilaanni atugassarititaasunit ajornerulersitsinermik kinguneqartarnersut ilanngullugit saqqummiuteqquneqarput. Nalunaarusiaq suliniutaalersussatut kaammattuutinik naggaserneqassaaq

*Inatsisartunut ilaasortamit Akitsinnuaq Olsenimit, Siumut, saqqummiunneqartoq*

pillugu

**Inuussutissarsiornermut Ataatsimiititaliap**

**ISUMALIUTISSIISSUTAA**

**Siunnersuutip aappassaaneerneqarnerani saqqummiunneqartoq**

Ataatsimiititaliaq suliarinninnermini [kingullermik] ukuninnga inuttaqarpoq:

Inatsisartunut ilaasortaq Naaja Nathanielsen, Inuit Ataqatigiit, siulittaasoq

Inatsisartunut ilaasortaq Andreas Uldum, Demokraatit, siulittaasup tullia

Inatsisartunut ilaasortaq Akitsinnuaq Olsen, Siumut

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Aqqaluaq B. Egede, Inuit Ataqatigiit

Inatsisartunut ilaasortaq Karl Lyberth, Siumut

Inatsisartunut ilaasortaq Sivert K. Heilmann, Atassut (sinniisoq)

Ulloq 7. november 2012-imi siullermeerinerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Kalaallit Nunaanni suliffeqartut akornanni inuit qanoq amerlatigisut nunat avannarliit avataaneersuunerat kiisalu suliffeqarfinni sorlarni taakku sulisuunerat pillugu nalunaarummik saqqummiusseqqullugit Naalakkersuisut peqquneqarnissaat siunnersuuteqartup kissaatigaa. Kiisalu inunnut taakkununga sulinermi atorfeqartitaanermilu pissutsit suut Kalaallit

Nunaanni suliffeqarnermi neqeroorutigineqartarnersut kiisalu pissutsit taakku pisut ilaanni atugassarititaasunit ajornerulersitsinermik kinguneqartarnersut ilanngullugit nalunaarummi saqqummiuteqquneqarput. Nalunaarusiaq suliniutaalersussatut kaammattuutininik naggaserneqassaaq.

#### **Siunnersutip Inatsisartunit siullermeerneqarnera**

Aalajangiiffigisassatut siunnersuut siullermeerneqarami partiinit tamanit taparserneqarpoq.

#### **Ataatsimiititaliap siunnersuummik suliarinninnera**

Siunnersuut matumani pineqartoq tunngavigalugu nalunaarusiornerminnut atatillugu suliassaqarfik pillugu inatsisit periutsillu atuuttut ilanngullugit paasinarsiseqqullugit aammalu tassunga atatillugu inatsisit nakkutilliivigineqarnerat qanoq aqutsivigineqarnerasoq nassuiaatigeqqullugu Naalakkersuisut ataatsimiititaliamit qinnuigineqarput. Tamatuma saniatigut siunnersuummi taasissutissami allassimasutut maleruagassat allangortinneqarnissaannik siunnersuutininik, nassuiaasiorerup tamanna pisariaqartoq paasinarsisippagu, Naalakkersuisut saqqummiussissapput. Nunat tamalaat akornanni pisussaaffiit attuumassuteqartut, Kalaallit Nunaannut atuuttut, nassuiaammi ilanngunneqassasut ataatsimiititaliamit naatsorsuutigineqarpoq.

#### **Siunnersuutip aningaasatigut kingunissai**

Aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutitaani nassuiaatigineqassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutip piviusunngortinneqarnerani aningaasatigut kingunerisassat ukiup affaanik sulisup missaanik naleqartut siunnersuutikkut tagginneqartut, taakkulu aningaasaliissutaareersut iluini Naalakkersuisunit nassarineqartussatut naatsorsuutigineqartoq ataatsimiititaliamit maluginiarneqarpoq. Paasissutissat pigineqartut tunngavigalugit siunnersuuteqartup taggiinerata apeqqusernissaanut ataatsimiititaliaq tunngavissaqanngilaq.


#### **Ataatsimiititaliap inassuteqaatai**

**Siunnersuut akuerineqassasoq ataatsimiititaliap isumaqatigiittup inassutigaa.**


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Naaja Nathanielsen,  
Siulittaasoq



Andreas Uldum




Aqqaluaq B. Egede



Sivert K. Heilmann



Akitsinguaq Olsen



Karl Lyberth



Knud Fleischer